

楚漢諸侯疆域志卷三

儀徵劉文淇

十八王分地下

月表英布為九江王都六羽本紀云當陽君黥布為楚將常
冠軍故立布為九江王都六漢書高祖紀三年隨何既說黥
布布起兵攻楚楚使項聲龍且攻布布戰不勝十二月布與
隨何閒行歸漢四年秋七月立黥布為淮南王

布前所分之地已為楚有

是時漢封布僅虛號耳五年十一月劉賈入楚地圍壽春漢

亦遣人誘楚大司馬周殷殷畔楚已舒屠六舉九江兵迎黥
布竝行屠城父黥布傳布與隨何俱歸漢于是乃使人之九
江楚已使項伯收九江兵盡殺布妻子四年立布為淮南王

志三

一

與擊項籍布使人之九江得數縣五年布與劉賈入九江誘
大司馬周殷殷反楚遂舉九江兵與漢擊楚項籍死布遂剖
符為淮南王都六九江廬江衡山豫章郡皆屬焉按項羽封
吳芮為衡山王漢徙芮為長沙王都臨湘因以芮舊封之衡
山益英布其九江廬江豫章等郡皆項羽時所封布之舊地
也然衡山雖屬吳芮而六為英布所都則六當屬英布矣廬
江豫章皆秦九江郡地元和郡縣志蘄州春秋戰國並屬九
江郡在漢為蘄春縣地屬江夏郡光州在秦屬九江郡在漢
為西陽屬江夏洪州七國時全為楚地秦滅楚為九江郡南
昌縣漢高六年置唐屬洪州漢屬豫章郡饒州本秦鄱陽縣也屬九江
郡漢屬豫章太平寰宇記舒州秦置九江郡自舒縣徙居皖縣又

云廬州秦置三十六郡此為廬江九江王郡地按廬江非秦所置寰宇記以為在三十是江夏之蕪春西陵及廬江豫章皆秦之九江郡地漢書地理志云九江郡秦置高帝四年更名為淮南國武帝元狩元年復故縣十五廬江郡故淮南縣十二豫章郡高帝置縣十八

九江

九江郡 漢縣十五

壽春邑 浚道 成德 橐皋 陰陵 歷陽 當塗
鍾離 合肥 東城 博鄉 曲陽 建陽 全椒 阜陵

漢分為六安國縣五

惟六屬英布

志三

二

六

漢分為江夏郡縣十四

惟西陵蕪春之地屬英布

西陵 蕪春 太平寰宇記云蕪州秦滅六國此為九江郡地今州廣濟縣即秦漢之六縣而英布即縣人項羽封布淮南王而都於六今古城猶存後為蕪春元和郡縣志云蕪州黃梅縣本漢蕪春縣地九江故城在縣西南七十里漢九江王黥布所築

漢分為廬江郡縣十二

舒 居巢 龍舒 臨湖 雩婁 襄安 樅陽 尋陽
灊 皖 湖陵邑 松滋

漢分為豫章郡縣十八

南昌 廬陵 彭澤 鄱陽 歷陵 餘汗 柴桑 艾
贛 新淦 南城 建成 宜春 海昏 雩都 鄡

陽 南陴 安平

月表吳芮為衡山王都邾羽本紀鄱君吳芮率百越佐諸侯又從入關故立芮為衡山王都邾漢書高祖紀五年詔曰故衡山王吳芮項羽侵奪之地謂之番君其曰長沙豫章象郡桂林南海立番君芮為長沙王吳芮傳項羽立芮為衡山王都邾漢徒為長沙王都臨湘高祖詔謂之故衡山王者張晏注云漢元年項羽立芮為衡山王後又奪之地謂之番君是以曰故按衡山王都邾邾在漢屬江夏郡秦屬九江郡漢書地理志六安國故楚高帝元年別為衡山國五年屬淮南武帝元狩二年別為六安國縣五而六又為英布所都則是羽初封芮時僅六安國之四縣及江夏郡之一縣也高祖徙之

志三

三

長沙豫章象郡桂林南海時屬南粵王佗漢並未得其地芮僅得長沙及豫章郡數縣耳太平寰宇記云壽州秦為九江郡漢為淮南國據高祖封英布而言其實羽先以之封芮也有安豐等縣則秦之九江地也

衡山

九江郡 漢分為江夏郡縣十四英布得二縣共敖得十一縣實一縣

漢分為六安國縣五六屬英布實四縣

蓼 安豐 安風 陽泉

月表共敖為臨江王都江陵羽本紀義帝柱國共敖將兵擊南郡功多因立敖為臨江王都江陵漢書高祖紀五年初項

羽所立臨江王共敖前死子尉嗣立為王不降遣盧綰劉賈擊虜尉荆王賈傳尉死以臨江為南郡地理志南郡秦置高帝元年更為臨江郡五年復故縣十八元和郡縣志秦兼天下自漢以北為南陽郡今鄧州南陽縣是也漢以南為南郡今荆州是也又云復州史記白起拔郢東至竟陵即此是也秦屬南郡在漢即江夏郡之竟陵縣也沔陽縣本漢雲杜縣地安州春秋時鄖國後為楚所滅漢為安陸縣高帝六年分南郡置江夏郡于此鄂州武昌縣舊名鄂漢以為縣屬江夏郡建安二十五年吳大帝以下雒尋陽新城柴桑沙羨武昌六縣為武昌郡

臨江

志三

四

南郡 漢縣十八

江陵 臨沮 夷陵 華容 鄢漢宜城 郢 郢 當陽

中廬 枝江 襄陽 編 秭歸 夷道 州陵 若

巫 高成

九江郡 漢分為江夏郡縣十四 西陵蘄春屬英布邾屬吳芮實十一縣

竟陵 西陽 襄 軌 鄂 安陸 沙羨 鄖 雲杜

下雒 鍾武

月表燕王韓廣為遼東王都無終羽本紀云徙燕王韓廣為遼東王燕將臧荼從楚救趙因從入關故立荼為燕王都薊漢書高祖紀元年燕王韓廣亦不肯徙遼東臧荼殺韓廣并其地五年荼反虜荼立盧綰為燕王十二年陳豨降將言豨

反時燕王盧綰使人之稀所陰謀上使辟陽侯審食其迎綰綰稱疾遂入匈奴周勃傳破綰軍追至長城定上谷十二縣右北平十六縣遼東二十九縣漁陽二十二縣月表又云臧荼反九月虜荼立盧綰為燕王按遼東為韓廣所封之號而所都之無終屬右北平則遼東右北平俱當屬廣而遼西一郡即今奉天及永平府地與遼東北平相接則遼西疑亦廣所分地也地理志遼東郡領縣十八遼西郡領縣十四而周勃傳云定遼東二十九縣或合遼西言之二郡計三十二縣勃傳言二十九縣或漢時有所增益也元和郡縣志云易州秦置三十六郡以為上谷郡漢分置涿郡太平寰宇記云幽州始皇滅燕置三十六郡以燕都及燕之西陲為上谷郡楚漢之際項羽封臧荼為燕王都薊昭帝改燕國為廣陽郡薊州云春秋戰國屬燕秦于此置漁陽郡則上谷漁陽及漢之涿郡廣陽皆燕王臧荼所分地也

遼東

右北平郡 漢縣十六

平剛	無終	石城	廷陵	俊靡	蕢	徐無	字
土垠	白狼	夕陽	昌城	驪成	廣成	聚陽	平
明							

遼西郡 漢縣十四

且慮	海陽	新安平	柳城	令支	肥如	賓從
交黎	陽樂	狐蘇	徒河	文成	臨渝	綦

遼東郡 漢縣十八

襄平 新昌 無慮 望平 房 候城 遼隊 遼陽
險瀆 居就 高顯 安市 武次 平郭 西安平
文 番汗 沓氏

燕

上谷郡 漢縣十五

沮陽 泉上 潘 軍都 居庸 碓磬 夷輿 寧
昌平 廣寧 涿鹿 且居 茹 女祁 下落

漢分爲涿郡縣二十九

涿 迺 穀丘 故安 南深澤 范陽 蠡吾 容城

易 廣望 鄭 高陽 州鄉 安平 樊輿 成

志三

六

良鄉 利鄉 臨鄉 益昌 陽鄉 西鄉 饒陽 中

水 武垣 阿陵 阿武 高郭 新昌

漢分爲廣陽國縣四

薊 方城 廣陽 陰鄉

漁陽郡 漢縣十二

漁陽 狐奴 路 雍奴 泉州 平谷 安樂 庠奚
獷平 要陽 白檀 滑鹽

月表田安爲濟北王都博陽齊王田市爲膠東王都卽墨田
都爲齊王都臨菑羽本紀云徙齊王田市爲膠東王齊將田
都從共救趙因從入關故立都爲齊王都臨菑故秦所滅齊
王建孫田安項羽方渡河救趙田安下濟北數城引其兵降

項羽故立安為濟北王都博陽漢書高祖紀元年五月田榮以齊兵迎擊田都都走降楚六月田榮殺田市自立為齊王時彭越在鉅野眾萬餘人無所屬榮與越將軍印因令返梁地越擊殺濟北王安榮遂并三齊之地服虔曰齊與濟北膠東也二年春正月羽擊田榮城陽文帝二年立城陽國榮敗走平原平原民殺之漢屬平原郡四月田榮弟橫收得數萬人立榮子廣為齊王四年冬十月韓信襲破齊齊王東走高密漢屬高密國楚使龍且救之十一月韓信殺楚將龍且追至城陽虜齊王廣齊相田橫自立為齊王田儋傳橫復收齊城邑立榮子廣為王而橫相之聞漢將韓信引兵且東擊齊齊使華毋傷田解軍歷下以距漢歷下即歷城縣漢屬濟南韓信迺渡平原襲破齊歷下軍因

入臨淄

漢屬齊郡

廣東走高密橫走博

博屬漢泰山郡

守相田光走城陽

將軍田既軍于膠東楚使龍且救齊齊王與合軍高密漢將

灌嬰敗橫軍於贏下

地理志贏作贏屬泰山郡

橫亾走梁歸彭越韓信已

殺龍且因進兵破田既于膠東灌嬰破殺齊將田吸于千乘

屬千乘郡

遂平齊地曹參傳定齊郡凡得七十縣韓信立為齊王

引兵東詣陳與漢王共破項羽而參留平齊未服者高祖紀

五年以齊王信王楚六年以膠東膠西臨淄濟北博陽城陽

郡七十三縣立子肥為齊王

齊悼惠王傳高祖六年立食七十餘城參傳云七十縣舉成數

耳按元和郡縣志青州云田和子孫強盛五世至建為秦所

滅分齊地置齊郎邪二郡漢元年冬更為臨淄項羽立田都

為王都臨淄其屬縣有臨淄臨胸屬漢齊郡千乘博昌屬漢

千乘郡齊州云秦併天下為齊郡即漢分齊郡立濟南國景帝三年為濟南郡其屬縣有歷城陽丘全節

本漢東平陵章丘

陽臨濟本漢營縣屬濟南郡漢書齊悼惠王傳濟北王志吳楚反

時初亦與通謀後堅守不發兵故得不誅徒王菑川元朔中

齊國絕悼惠王後唯有城陽菑川菑川地比齊武帝為悼惠

王冢園在齊迺割臨淄東園悼惠王冢園邑盡以予菑川既

云菑川地比齊則菑川未封之先當屬齊國然則田都所封

得漢之齊郡琅邪濟南千乘菑川五郡地也漢書曹參傳云

韓信已破趙東擊齊參以左丞相屬焉攻破齊歷下軍遂取

臨淄歷下臨淄皆屬齊國還定濟北郡收著屬濟南郡漯陰平原鬲

盧屬秦山郡師古云時未有濟北郡史追書之耳鄒陽傳云城陽

志三

顧於盧博孟康曰城陽王喜也喜父章與弟興居討諸呂有

功本當盡以趙地王章梁地王興居文帝聞其欲立齊王更

以二郡王之章為城陽王興居為濟北王章失職歲餘薨興居誅死盧博

濟北王治處喜顧念而怨也城陽與濟北地比然則田安所

封得濟南郡之著縣及泰山平原城陽三郡地也田市所都

之即墨在漢屬高密國又封號為膠東則漢之膠東高密二

國皆屬田市矣又案元和郡縣志云萊州漢高帝四年韓信

虜齊王廣分齊郡置東萊郡屬縣有即墨本漢舊縣屬膠東

國有膠水縣本漢膠東國之地又有掖縣膠水西去縣七十

五里則東萊郡亦當為市之所分地

膠東

齊郡 漢分爲膠東國縣八

卽墨 昌武 下密 壯武 郁秩 挺 觀陽 鄒盧

漢分爲東萊郡縣十七

掖 腫 平度 黃 臨胸 曲成 牟平 東牟 嶧

育犁 昌陽 不夜 當利 盧鄉 陽樂 陽石

徐鄉

漢分爲高密國縣五

高密 昌安 石泉 夷安 成鄉

齊

齊郡 漢縣十二

臨淄 昌國 利 西安 鉅定 廣 廣饒 昭南

志三

九

臨胸 北鄉 平廣 臺鄉

漢分爲千乘郡縣十五

千乘 東鄒 溼沃 平安 當作安平 博昌 蓼城 建信

狄 琅槐 樂安 被陽 高昌 繁安 高苑 延鄉

漢分爲濟南郡縣十四 著屬田安實十三縣

東平陵 鄒平 臺 梁鄒 土鼓 於陵 陽丘 般

陽 營 朝陽 歷城 獠 宜成

漢分爲菑川國縣三

劇 東安平 樓鄉

琅邪郡 漢縣五十一

東武 不其 海曲 贛榆 朱虛 諸 梧成 靈門

姑幕 虛水 臨原 琅邪 掖 柘 餅 邾 雩
段 黔陬 雲 計斤 稻 皋虞 平昌 長廣 橫
東莞 魏其 昌 茲鄉 箕 棊 高廣 高鄉
柔 卽來 麗 武鄉 伊鄉 新山 高陽 昆山
參封 折泉 博石 房山 慎鄉 駟望 安丘 高
陵 臨安 石山

濟北

東郡

碭郡 漢分此郡及東郡地為泰山郡縣二十四其秦郡所
隸縣輿地之書未析言今無以考

奉高 博陽 漢博陽縣 錢坫云縣於楚漢之間曰博陽項
羽封田安為濟北王都博陽即此縣也 茌

志三

十

盧 肥成 虵丘 剛 柴 蓋 梁父 東平陽
南武陽 萊蕪 鉅平 贏 牟 蒙陰 華 寧陽
棗丘 富陽 桃山 桃鄉 式

齊郡 漢分為平原郡縣十九

平原 鬲 高唐 重丘 平昌 羽 般 樂陵 祝
阿 瑗 阿陽 濼陰 枋 富平 安憲 合陽 樓
虛 龍頷 安

漢分為濟南郡縣十四 田都得十三
縣實一縣

著

漢分為城陽國縣四

莒 陽都 東安 慮

以上皆十八王所分地也漢得巴蜀漢中三郡章邯得隴西北地二郡董翳得上郡京兆馮翊扶風本秦京師內史不在三十六郡之數魏豹得河

東太原上黨三郡申陽得三川郡趙歇得代郡雲中雁門三

郡張耳得鉅鹿邯鄲二郡黥布吳芮共得九江郡共敖得南

郡韓廣得右北平遼東遼西三郡臧荼得上谷漁陽二郡田

都田安田市共得齊琅邪二郡司馬卬得三川郡之北境河

東郡之東境韓王成僅得潁川十縣且其地即為項羽所奪

故不復計諸王所分凡二十三郡加以項羽所得之東郡潁

川泗水郟郡會稽鄆郡薛郡碭郡凡八郡項羽王九郡其東陽一郡乃楚漢之

間所置亦不在三十六郡之中漢分東郡碭郡為泰山郡其地會屬田安共三十二郡餘尚有南

陽九原黔中長沙四郡九原界邊黔中長沙與尉佗之南海

志三

桂林相近故不以封人其後項羽遷義帝于長沙郴縣在漢

屬桂陽郡秦屬長沙郡正以其迫近南海數被寇害武帝時路博德由桂陽至番禺平南

粵所謂惡地也若秦之南陽郡本屬韓地漢書地理志云韓

分晉得南陽郡及潁川之父城定陵襄城潁陽潁陰長社陽

翟邾而南陽一郡不以之封韓成者漢書王陵傳云高祖起

沛入咸陽陵亦聚黨數千人居南陽不肯從沛公及漢王之

還擊項籍陵迺召兵屬漢項羽取陵母置軍中高祖紀元年

九月漢王遣將軍薛歐王吸出武關因王陵兵如涇注云王

陵亦聚黨數千人居南陽即據王陵傳而言高祖紀秦二世三年六月沛公

與南陽守齧戰犍東七月南陽守齧降王陵聚黨居南陽當在南陽守既降之後故王陵傳謂高祖起沛入咸陽陵亦聚

黨數千人居南陽不肯從沛公也然則王陵未從漢王之先獨據南陽既不

從漢又不附楚故項羽不得以南陽封人歟又按漢書地理志云本秦京師爲內史分天下作三十六郡漢興以其郡太大稍復開置又立諸侯王國武帝開廣三邊故自高祖增二十六文景各六武帝二十八昭帝一訖於孝平凡郡國一百三縣邑千三百一十四分郡旣多則所增置之縣亦必不少本紀列傳所載各郡屬縣之數與地理志互有增減讀者當以此求之今據元和郡縣志太平寰宇記凡漢之某郡從秦之某郡分出者皆詳載之其有疏漏亦冀博雅君子有以匡其不逮焉

